



KOMISAUN DE INFRAESTRUTURAS
RELATÓRIU FISKALIZASAUN IHA MUNISÍPIU AINARO
14 – 17 OUTUBRU 2020



Prepara husi:

Joaquim da Silva Xavier

SUMÁRIU:

I. INTRODUSAUN

II. OBJETIVU

III. DELEGASAUN

IV. REZULTADU ENKONTRU

V. VIZITA TERENU

VI. KONKLUZAUN

VII. REKOMENDASAUN

VIII. APROVASAUN

IX. ANEXU

I. INTRODUSAUN

1.1. Enkuadramentu Legal

Komisaun Infraestruturas – Parlamentu Nasional hala’o vizita fiskalizaun bazeia ba artigu 92º, ho artigu 95º n.º 3 alínea e), kombinadu ho artigu 145º n.º 3) husi Konstituisaun RDTL, no mos bazeia ba artigu 35º alínea c), kombinadu ho artigu 79º alínea f) husi Rejimentu Parlamentu Nasional.

Vizita ne’e kontempla iha planu atividade Komisaun tinan 2020 nian ne’ebe koalia kona-ba vizita lokal, no mos bazeia ba deliberaun ne’ebe Komisaun halao iha loron 29 Setembru 2020, ne’ebe iha loron ne’e kedas Komisaun hato’o pedidu autorizasaun ba Prezidente Parlamentu Nasional no tuir mai hetan despachu iha loron 30 Setembru 2020.

Haktuir ba despachu refere, iha loron 14-17 fulan Outobru tinan 2020, Komisaun realiza vizita fiskalizaun ba munisípiu Ainaro, ho intensaun atu hare no rona diretamente rezultadu husi implementasaun projetu sira iha munisípiu refere, ne’ebe kobre iha setor sira hanesan: estrada, eletricidade, bé-mos no mos projetu PDIM nian.

1.2. Área Fiskalizaun

Delegasaun halo fiskalizaun ba área ne’ebe mak kabe ba kompetensia Komisaun Infrasetrutura no halao husi parseria mak hanesan: Ministériu Obras Publika, Ministériu Transporte no Telekomunikasaun, Ministériu Planeamentu no Ordenamentu, Ajensia Dezenvolvimentu Nasional (ADN), Eletricidade de Timor-Leste, Empreza Públika (EDTL,EP), Servisu Agua no Saneamentu (SAS) ho seluk tan.

Durante iha fiskalizaun Komisaun ba hare liu área sira ne'ebe identifika ona, hanesan: fiskaliza kondisaun ponte, fiskaliza sub-estasaun elétrika iha Suku Cassa, vizita eskritóriu EDTL, vizita eskritóriu Servisu Agua no Saneamentu, vizita eskritóriu Ajensia Dezemvolvimentu Nasional, vizita eskritóriu Obras Publika no Transporte ho ikus liu halo fiskalizaun ba konstrusaun edifísiu foun Posto Administrativo Maubisse.

1.3. Métopu Fiskalizaun

Métodu ne'ebe Komisaun uza iha fiskalizaun ida ne'e liu husi dalan rua: konvoka enkontru ho observasaun terenu.

1. Enkontru

Konvoka enkontru ho autoridade kompetenti sira ne'ebe mak kompostu husi lider komunitáriu ho pontu vokal ministériu relevante sira iha Munisípiu Ainaro, mak hanesan: Administrador Munisípiu, Sekretáriu Munsípiu, Diretor Obras Publika, Diretor Ajensia Dezemvolvimentu Nasional, Diretor EDTL, EP no Diretor SAS.

2. Observasaun Terenu

Hafoin kobre informasaun hosi autoridade lokal, delegasaun kontinua halo observasaun diretu hodi halo verifikasaun fíziku ba iha terenu, ho objetivu hodi hare direktamente progresu ho dezafiu ne'ebe akontese ba projetu sira inklui kruza informasaun ho comunidade. Relasiona ho observasaun terenu, delegasaun alem de kobre informasaun hosi comunidade lokal, bele mos kobre hosi trabalhador ho kapasidade nudar implementador kona ba projetu Estadu.

3. Cross-check

Husi dadus ne'ebe rekolha durante vizita iha Munisípiu Ainaro, husi Komisaun presiza halo komparasaun liga ba ezekeusaun orsamentu ho dadus ne'ebe mai husi Governu (ADN), hodi nune'e bele identifika progresu hosi implementasaun projetu sira.

II. OBJETIVU

Objetivu husi fiskalizaun, atu hare no identifika progresu ho dezafiu husi ezekusaun projetu sira ne'ebe mak eziste iha Munisipiu Ainaro, mak hanesan:

1. Projetu eletrisidade, bé-mos, ponte ho estrada;
2. Identifika problema ne'ebe mak trabalhador sira infrenta;
3. Observa diretamente kona ba prosesu ho progressu konstrusaun projetu emerjensia sira

III. DELEGASAUN

Delegasaun ba fiskalizaun ida ne'e kompostu husi, deputadu 10, tekniku 2, eskoltu 2, jornalista (RTPN) 2 ho motorista 11 inklui motorista Sekretariadu 1. Lista detalhu bele hare iha tabela tuir mai;

No.	Naran	Pozisaun
1.	Deputadu Abel Pires da Silva	Xefe delegasaun
2.	Deputadu Fabião de Oliveira	Vice xefe delegasaun
3.	Deputada Maria Anabela Savio	Sekretaria
4.	Deputadu Mariano Fatubai Mota	Membru
5.	Deputada Irene Gonzaga Sarmiento	Membru
6.	Deputadu Domingos de Carvalho	Membru
7.	Deputadu Arão Noe de Jesus da Costa Amaral	Membru
8.	Deputadu Marcos Xavier	Membru
9.	Deputadu Adriano do Nascimento	Membru
10.	Deputadu Francisco David Xavier Carlos	Membru

Akompanha hosi Tékniku Komisaun: Joaquim da Silva Xavier ho Engenheiro Gui Daniel.

IV. REZULTADU ENKONTRU

4.1. Enkontru ho Administrador Munisípiu

Enkontru hetan partisipasaun husi Administrador Munisípiu Ainaro – Albertino de Araújo hamutuk ho direktor hosi ministériu relevante sira. Intensaun hosi enkontru, oinsa bele rekolha informasaun jeral kona ba implementasaun projetu sira iha Munisípiu Ainaro, liu-liu projetu ne'ebé interligadu ho kompetensia husi Komisaun Infrastutura.



Delegasaun Komisaun E halao enkontru ho Administrador Munispiu Ainaro ho ekipa iha Administrasaun Minisipal Ainaro, 14 Outobru de 2020. (Doc.KI 2020)

Prezidente Autoridade Munisípiu Ainaro, iha enkontru refere haktuir katak, jeralmente dezvoltimentu infrastutura iha Munisípiu Ainaro hahu lao diak. Hosi tinan 2016 to'o 2020 Munisípiu Ainaro iha planu projetu sira mak hanesan:

1. Tinan 2016, Administrasaun Munisípiu Ainaro tau iha Planu Dezenvolvimentu Integradu Munisípiu (PDIM) ho total projetu 38, kompostu husi grande projetu 7 no projetu 31 ba iha PDIM/PNDS inklui projetu hosi Linha Ministerias.

2. Tinan 2017, iha VII Governu Konstitusional nia ukun, tambá kestaun polítika ne'ebe la estável prejudika ba projetu balu implementa no balu la implementa.
3. Tinan 2018, Administrasaun Munisípiu tau iha planu hamutuk projetu 42, maibe iha momentu ne'eba projetu sira ne'e la bele implementa tambá Governu uja deit réjime orsamentu duadésimu.
4. Tinan 2019, Administrasaun Munisípiu tau iha planu hamutuk 45 projetu iha Planu Desenvolvimento Integradu Muisípiu (PDIM), maibe tambá implika hosi pandemia COVID-19 ho nune'e halo projetu 8 deit mak implementa, hanesan deskreve iha tabela tuir mai:

No.	Naran Projetu	Naran Kompanhia	Valor Kontratu (US\$)	Pursentu (%)	Obs
1.	Konstrusaun Edifisiu Postu Administrativu Hato-Builico	Levi Const.Lda.	167.693,91	100%	
2.	Konstrusaun Edifisiu Postu Administrativu Maubisse	Mentil Unip.Lda.	161,446,00	80%	
3.	Konstrusaun Eskola Tekniku Vokasional Ainaro Vila	Simbisa Unip. Lda.	208.089,56	75 %	
4.	Kostrusaun Eskola Tekniku Vokasional Bermoli Maulau	Arley Henlice Unip. Lda.	212.829,93	75%	
5.	Konstrusaun Eskola Manutasi	Joan Unip Lda.	106.807,00	100%	
6.	Konstrusaun Servisu External Armajen SAMES Ainaro	Unjel Unip.Lda.	29.401,14	80%	
8.	Konstrusaun bareira drainajen ba edificiu suco no eskola primaria Manelobas	M2 Unip.Lda.	84.160,28	98%	

Informasaun husi Autoridade Munisipal hetan apresisaun husi Delegasaun Komisaun E. Membre Deputadu sira apresenta liu kona ba objetivu husi fiskalizasaun iha Munisípiu Ainaro, ne'ebe hakarak liu hatene progresu ho dezafiu husi ezekusaun planu projetu ne'ebe halao iha Munisípiu Ainaro, liu-liu oinsa implikasaun ba comunidade nia moris.

Hatan ba preokupasaun hosi membru Deputadu sira, Administrador Munisípiu nudar koordenador ekipa fo oportunidade ba Diresaun sira hodi apresenta informasaun tuir idak-idak nia área. Tuir mai apresentasaun husi diresaun sira;

4.2 Diresaun Obras Publika no Transporte

Diretor Obras Publika no Transporte Munisípiu Ainaro, José Maria da Costa, iha apresentasaun koalio kona ba tipu projetu ne'ebe halao iha Munisípiu Ainaro, ne'ebe ba tinan 2019 kompostu husi projetu Linha Ministeriais hamutuk projetu 6 no husi Fundu Infrastuturas hamutuk projetu 2, kompostu husi:

- Projetu emerjensia pakote ba konstrusaun loke estrada foun hosi Ainaro ba Sarai ho distansia kilometru 8,6, ne'ebe halao husi Kompanhia Jonize Unipesoal Lda. joint venture ho Kompanhia Ramelau Unipesoal Lda. Orsamentu ba projetu refere ho total \$4,233,004.05 no implementasaun fíziku atinji 100%;
- Projetu emerjensia pakote ba harii ponte rua ne'ebe liga Ainaro ho Sarai ho luan metru 6 no naruk metru 120. Obra refere halao husi Kompanhia Jonize Unipesoal Lda. join venture ho Kompanhia Ramelau Unipesoal Lda. Total orsamentu ba projetu refere \$3,596,249.07 no progresu fíziku atinji 100%;
- Projetu emerjensia pakote 2 kona ba ateru estrada ligasaun Ainaro ba Sarai ho distansia kilometru 8,6. Projetu refere implementa husi Kompanhia Jonize Unipesoal Lda. Orsamentu ba projetu ida ne'e ho total \$3,717,215.92 no progresu fíziku atinje 92%;
- Projetu fui alkatraun iha estrada ligasaun Ainaro ba Sarai ho distansia kilometru 8,6. Projetu refere halao husi Kompanhia Meiori Unipesoal Lda. Orsamentu ba projetu refere ho total \$4,325,776.50 no projetu seidauk realiza;

- Konstrusaun ba gabion iha Mota Cassa ho distansia kilometru 1,984, ne'ebe implementa husi Kompanhia Nulia Construction Unipesoal Lda. Total orsamentu ba projetu refere \$ 3,398,433.96 no progresu fiziku atinji 100%;
- Rehabilitasaun estrada ligasaun Ainaro ba Bobonaro ne'ebe ezejuta husi Kompanhia WTJ Construction Unipesoal Lda. Projetu ho distansia kilometru 28,600 no progresu fiziku atinji 50%.

4.3 Ajensia Dezenvolvimentu Nasional (ADN)

Diretor ADN Munisípiu Ainaro relata katak, projetu ne'ebe mak aloka iha Munisípiu Ainaro kombinadu hosi projetu Fundu Infrastuturas (FI) ho projetu (Linha Ministeriais).

1. Projetu Fundu Infrastuturas (FI); kompostu husi:

- Projetu konstrusaun estrada hosi Ainaro ba Sarai ne'ebe mak kaer hosi Kompanhia Jonize Unipesoal Lda. Joint Venture ho Kompanhia Ramelau Unipesoal Lda. kompostu husi pakote I, pakote II ho pakeote III;
- Rehabilitasaun estrada ligasaun Ainaro ba Bobonaro ne'ebe mak halao husi kompanhia WTJ Construction Unipesoal Lda. Projetu refere agora atinje ona 78.22% no *on going*;
- Konstrusaun gabion (bronzu) iha Mota Cassa ne'ebe mak implementa husi Kompanhia Nulia Unipesoal Lda. no projetu refere hein hela halo retensaun 10%;
- Projetu multi suku ba manutensaun estrada husi suku Cassa ba Postu Administrativu Hato-Udo, ne'ebe halao husi Kompanhia Marino Enterprise Unipesoal Lda. Valor orsamentu ba projetu refere \$287,894.03. Projetu refere la konsege realiza no paradu hela tamba problema finansiamentu;

- Projetu emerjensia *bueiro de caixa* ne'ebe mak tau iha fatin naran Gunung Mas iha Postu Administrativu Ainaro. Projetu ho montante orsamentu \$148,273.03 ne'ebe mak implementa husi Kompanhia Chik Tete Unipesoal Lda. Progresu fíziku atinji 68% maibe provizóriamente paradu tambá problema finansiamentu;
- Projetu manutensaun estrada hosi Cassa ba Hato-Udo ne'ebe mak halao hosi Kompanhia Nulia Construction Unipesoal Lda. Total orsamentu ba projetu refere \$279,273.00 no prgresu fíziku atinji 57%;
- Rehabilitasaun estrada hosi Ainaro-Vila ba Suco Maununu ne'ebe halao husi Kompanhia El Construction Unipesoal Lda. Valor orsamentu ba projetu refere \$600,016.84 no progresu fíziku atinji 30,7% maibe agora paradu tamba defikuldade finansiamentu.

2. Projetu Linha Ministeriais (LM); kompostu husi:

- Konstrusaun drainaje ho pavin iha Jardim dos Herois. Projetu halao husi Kompanhia Balada Unipesoal Lda. Projetu ho valor orsamentu \$489,663.83 no progresu fíziku atinji 40%;
- Konstrusaun eskola tekniku vokasional Hohorai Kiik. Projetu implementa husi Kompanhia Sunrise Unipesoal Lda. Orsamentu ba projetu refere ho valor \$519,158.18 no progresu fíziku remata ona ou atinji 100%.

Projetu nebe'e tama iha Programa R4D:

- Manutensaun estrada husi Maubisse-Vila ba Urlepha. Projetu ezekuta husi Kompanhia Delong Unipesoal Lda. Total orsamentu ba projetu refere \$94,867,71 no progresu fíziku atinji 53%.
- Manutensaun estrada rural husi Suku Liurai to'o Suku Fatubosa. Projetu refere halao husi Kompanhia Ailesu Unipesoal Lda. Total orsamentu ba projetu refere \$207,258.71. Tuir observasaun, projetu refere tama iha lista *on going* no progresu fíziku atinji 31%.
- Manutensaun estrada rural husi Maubisse-Vila to'o Suku Liurai. Projetu halao husi Kompanhia Gos Unipesoal Lda. Total orsamentu ba projetu refere \$15,699.42 no progresu fíziku atinji 55%.

- Manutensaun estrada rural husi Suku Liurai to’o Hatobuilico. Projetu refere halao husi Kompanhia Betua-Calda Unipesoal Lda. Orsamentu ba projetu refere hamutuk \$22.930,21 no progresu fíziku atinji 23%;
- Manutensaun estrada rural husi Suku Dare to’o Suku Mauchiga. Projetu halao husi Kompanhia Leotylia Enterprise Unipesoal Lda. Orsamentu ba projetu refere ho montante \$43.921,02 no progresu fíziku atinji 22.48%.
- Manutensaun estrada rural husi Ainaro ba Suku Maununo. Projetu halao husi Kompanhia Haburas-Sarai Unipesoal Lda. Orsamentu ba projetu refere ho total \$21,855.89 no progresu fíziku atinji 78%;
- Rehabilitasaun estrada rural husi Suku Mauchiga to’o Lesuati II. Projetu refere halao husi Kompanhia Haburas Sarai Unipesoal Lda. Orsamentu ba projetu ne’e ho total \$203,298.50 no progresu fíziku atinji 19%, maibe paradu hela;
- Rehabilitasaun estrada rural husi Suku Mauchiga to’o Lesuati I. Projetu halao husi Kompanhia Bermau-Ana Unipesoal Lda. Total orsamentu ba projetu refere \$236.224,90 no progresu fíziku atinji 18,80% maibe óras ne’e paradu;
- Rehabilitasaun estrada husi Ainaro ba Maununo. Projetu halao husi Kompanhia El Construction Unipesoal Lda. Total orsamentu ba projetu refere \$184.685.18 no progresu fíziku atinji 30.78%.

4.4 Diresaun Agua no Saneamentu

Tuir Diretor Agua no Saneamentu Munisípiu Ainaro, iha projetu 3 husi Fundu Infraestrutura (FI) mak aloka ba iha Munisipiu Ainaro, mak hanesan:

- Kanalizasaun be’e-mos hosi Jakarta Dois ba Aldeia Faulata, Suku Cassa, Postu Administrativu Ainaro. Projetu halao husi Kompanhia Toba Beidasi Unipesoal Lda. ho tinan projetu 2016 no tama kategória projetu urbana. Total orsamentu ba projetu refere \$182.864.68 no progresu fíziku atinje 82 %;
- Kanalizasaun be’e-mos husi Suku Manelobas – Postu Administrativu Maubisse ba Suku Mane-Tu no kontinua to’o Suku Aitemua – Postu Administrativu Turiscaí, Munisipiu Manufahi. Projetu implementa husi kompanhia Aitemulau Tarutu Unipesoal Lda. ho tinan projetu 2016. Total orsamentu ba projetu refere \$353.000.51 no progresu fíziku atinje 75%;

- Projetu kanalizasaun be'e-mos iha Ainaro-Vila no moru protesaun ba tratamentu be'e-mos iha Bairu Nugufu. Projetu refere halao husi Kompanhia Aimen Unipesoal Lda. ho tinan projetu 2019. Total orsamentu ba projetu refere \$330,720.96 no progresu fíziku atinje 90 %.

4.5 Departamentu EDTL

Xefe Departamentu EDTL Munisípiu Ainaro - Tomas Mendonça dos Santos, informa katak, projetu *on going* ne'ebe mak implementa iha Munisipiu Ainaro hahu husi tinan 2016 to'o 2020 hamutuk iha 11, mak hanesan:

1. Instalasaun linha transformador no koneksaun ba uma comunidade iha Suku Maulau–Postu Administrativu Maubisse to'o Aldeia Terhati-Tarahui – Munisipiu Ainaro. Projetu refere halao husi Kompanhia Lavie Unipesoal Lda. Total orsamentu ba projetu refere \$1.156,930.33 no progresu fíziku atinji 35%;
2. Instalasaun foun linha eletrisidade ba uma comunidade iha Suku Aitutu – Postu Administrativu Maubisse, hahu husi suku Fleixa to'o Lesuhati. Projetu refere ezejuta husi Kompanhia Petaju Unipesoal Lda. Total orsamentu ba projetu refere \$996,017.31 no pgresu fíziku atinji 45%;
3. Instalasaun linha eletrisidade ba uma comunidade iha Postu Administrativu Ainaro hahu husi Maulore, Kami-Laran, Tanque, Hospital Manutasse to'o Nugufu. Projetu halao husi Kompanhia Haburas Sarai Unipesoal Lda. Orsamentu ba projetu refere hamutuk \$381,276,65 no progresu fíziku atinji 7%;

4. Instalasaun linha eletrisidadeba uma comunidade hahu husi Mota Goutete, Mau-Mali, Manutasse to'o Koiloko. Projetu halao husi Kompanhia Terolau Unipesoal Lda. Alokasaun orsamentu ba projetu refere hamutuk \$1,297.166 no progresu fiziku atinje 59%;
5. Instalasaun foun no koneksaun linha eletrisidadeba uma comunidade iha Postu Administrativu Hato-Udo to'o Ponte Raibere. Projetu halao husi Kompanhia Atunegos Unipesoal Lda. Orsamentu ba projetu refere ho total \$434,824.24 no progresu fiziku atinji 90%;
6. Instalasaun foun no konesaun linha eletrisidade ba uma comunidade hahu husi Ainaro-Vila, Suku Dare to'o Suku Mauchiga. Projetu ne'e ezekuta husi Kompanhia Semahui Unipesoal Lda. Orsamentu ba projetu refere ho montante \$1,230059.02 no progresu fiziku atinje 60%;
7. Instalasaun foun linha eletrisidade ba uma comunidade hahu husi Fleixa to'o Nunu-Mogue. Projetu halao husi Kompanhia Tuto-Deni Unipesoal Lda. Orsamentu ba projetu refere ho montante \$997,025.15 no progresu fiziku atinji 38%;
8. Insatalasaun linha eletrisidadeba uma comunidade iha suku Hohorai Ki'ik ba Grotu, Postu Administrativo Maubisse. Projetu halao husi Kompanhia Gou-Ulu Unipesoal Lda. Alokasaun orsamentu ba projetu refere ho total \$347,571.86 no progresu fiziku atinji 23%;
9. Projetu instalasaun foun ho konesaun linha eletrisidadeba uma comunidade hahu husi Suku Manutasse ba Raebutiudo. Projetu halao husi Kompanhia Laxana Unipesoal Lda. Orsamentu ba projetu refere ho montante \$452,775.36 no progresu fiziku atinje 55%;
10. Projetu istalasaun linha eletrisidade ba uma comunidade iha Postu Administrativu Maubisse, hahu husi Suku Maulau to'o Suku Edi. Projetu implementa husi Kompanhia Kakuit Jaya Unipesoal Lda. Orsamentu ba projetu refere ho montante \$580.332.36 no progresu fiziku atinji 13%;

11. Instalasuan linha eletridade ba uma comunidade iha Postu Administrativu Ainaro-Vila.
Projetu halao husi Kompanhia Mantilu Unip. Lda. konsorsiu.

V. VISITA TERENU

Hafoin konklui servisu iha loron dahuluk, iha loron tuir mai Komisaun kontinua halao vizita ba terenu, ho objetivu hodi observa direta implementasaun projetu ne'ebe apresenta ona iha reuniaun. Rezultadu vizita terenu hanesan tuir mai;

5.1. Fiskalizaun baPonte Sarai

Tuir observasaun Komisaun, medida ponte Sarai nia luan metru 6 ho naruk metru 120 (120x6 M). Material prinsipal ba ponte refere mai husi Ponte Comoro Díli ne'ebe muda iha tinan hira ba kotuk. Kondisaun ho medida hosi ponte refere tuir duni Dezenhu ho BoQ ne'ebe aprova husi parte kompetenti. Maibe hela alkatraun mak seidauk finaliza no iha informasaun katak kom



Delegasaun Komisaun E akompanha husi Diretor ADN ho Diretor Obras Públika halo hela fiskalizaun ba Ponte Sarai iha PA Ainaro, Munisípiu Ainaro, 15 Outubru 2020. (Dok. KI 2020)

5.2. Fiskalizaun Estrada Foun Ligasaun Ainaro ba Mota Sarai

Tuir observasaun Komisaun, konstrusaun estrada iha área refere nesesáriu duni hodi fasilita transporte ba comunidade, laos deit ba comunidade Ainaro maibe mos ba comunidade iha área

kosta sul enjeral. Estrada refere hanesan estrada prinsipal hodi substitui Estrada Jakarta Dois ne'ebe óras ne'e iha kondisaun a'at no risku ba dezastre. Projetu refere halao hosi Kompanhia Jonize Unipessoal Lda. join venture ho Kompanhia Ramelau Unipessoal Lda. Estrada refere agora tama iha faze ateru no hein tau alkatraun.

5.3. Fiskalizaun ba Sub-Estasaun EDTL Cassa

Sub-estasaun EDTL Cassa konsidera importante tamba husi sub-estasaun refere bele transmiti enerjia elétrika ba kapital Munisípiu Ainaro ho postu vizinhu balu. Tuir informaasaun, óras ne'e Sub-Estasaun EDTL Cassa uza ona sistema transmisaun iha distribuisaun enerjia eletrika ba comunidade iha Munisípiu Ainaro, enerjia nia hun mai husi Sentru EDTL Betano. Diferenti ho kondisaun sesante iha ne'ebe Munisípiu Ainaro sei uza deit sistema manual ou jerador. Tamba uza sistema transmisaun, maka jerador 4 iha Munisípiu Ainaro óras ne'e la funsiona, maibe laos a'at.

Tuir informasaun, Sub-Estasaun Elétrika Cassa simu enerjia eletrika husi Sentral eletrika Betano hafoin distribui ba Cassa, Hato-Udo, Raibere to'o baliza entre Munisípiu Ainaro ho Munisípiu Manufahi. Linha distribuisaun enerjia eletrisidade ba Ainaro, Mau-Ulu, Maununu, Soro, Manutasse, Lugatu, Sabago to'o Nunumogue, ninia hun mai husi Sub-Estasaun EDTL Cassa. Menus Postu Administrativo Maubisse ba Lesuhati área Same, Hato-Builico no Turiscaí simu distribuisaun enerjia eletrisidade husi Díli liu husi fider 7.

Funsionáriu ne'ebe destaka iha EDTL Munisipiu Ainaro iha nain 24, ne'ebe mai husi postu administrativu 4: Ainaro-Vila, Hato-Udo, Hato-Builico ho Maubisse. Funsionáriu 24 ne'e mai husi kategória 2, permanente ho voluntáriu, permanente iha nain 13 ho voluntáriu nain 11, ho kompozisaun hanesan tuir mai:

1. Postu Administrativu Hato-Udoiha iha funsionariu 4, kompostu 2 permanente no 2 voluntariu;
2. Postu Administrativu Ainaro iha funsionáriu 12, kompostu 7 permanente no 5 voluntariu;
3. Postu Administrativu Maubisse iha funsionariu 4, kompostu 2 permanente no 2 voluntariu;
4. Postu Administrativu Hato-Builico iha funsionáriu 4, kompostu 2 permanente no 2 voluntariu.

Munisípiu Ainaro iha jerador 4, ne'ebe koloka iha kada postu administrativu, mak hanesan: Ainaro-Vila, Hato-Udo, Maubisse no Hato-Builico.

Kona ba pesoal ne'ebe fo apoiu seguransa iha EDTL Munisípiu Ainaro, atualmente Kompanhia Garda Mor mak toma responsabilidade hodi apoiu seguransa iha EDTL Ainaro ho total ema nain 22. Husi ema 22, nain 10 mai husi eis-seguransa Kompanhia Guarda Lorosa'e ne'ebe hakotu ona kontratu desde fulan julhu 2019.

Maibe prosesu hakotu kontratu entre Governu (Ministériu Obras Públika) ho Kompanhia Guarda Lorosa'e husik hela problema ba Diresaun EDTL Munisípiu Ainaro, liu-liu problema tusan kona ba pagamentu saláriu kuaze tinan 2 ba eis-trabalhador 41. To'o ohin loron eis-trabalhador 41 sei sisi nafatin sira nia direitu refere. Eis-seguransa 41 totalmente timor-oan ne'ebe moris iha familia no maioria mai husi eis-militar (petisionáriu) ho eis-Falintil.

Difikuldade ne'ebe Diresaun EDTL Munisípiu Ainaro infrenta. Difikuldade ne'ebe infrenta relaciona ho ekipamentu operasionais, hanesan: laiha eskada, laiha stik, laiha luvas no laiha sintu. Além de ne'e, kareta unidade 2 ho motorizada sira ho kondisaun a'at no prejudika EDTL atu halo atendimentu urjenti iha terenu.



Delegasaun Komisaun E halao enkontruho Responsavel EDTL iha Edifisiu Sub-Estasaun EDTL Cassa, PA Ainaro-Munisípiu Ainaro, 15 Outubru 2020. (Dok. KI 2020)

Hafoin fiskalizasaun iha Sub-Estasaun Eletrika Cassa, Delegasaun kontinua ba vizita Eskritoriu EDTL Munisípiu Ainaro, ho objetivu hodi rekolha informasaun kona ba servisu área eletrisidade iha munisípiu refere. Liu husi vizita refere Komisaun konsege rekolha dados kona ba kondisaun konsumidor enerjia eletrisidade iha Munisípiu Ainaro. Tuir dados ne'ebe iha, total konsumidor enerjia eletrisidadeiha Munisípiu Ainaro iha 8,340 husi total uma-kain 8,509. Husi total konsumidor, iha balu mak utiliza sistema kontador pre-pago no balu utiliza sistema konvensional. Informasaun detalha haktuir iha table tuir mai;

No.	Postu Administrativu	Kontador pre-pago	Kontador konvensional	Total
1.	Ainaro	2,018	652	2,670
2.	Maubisse	844	2,464	3,308
3.	Hato-Builico	-	1,063	1,063
4.	Hato-Udo	1,165	134	1,299
Sub Total		4,027	4,313	8,340

Dadus iha leten hatudu katak, iha uma-kain 169 mak seidauk rejistadu hanesan konsumidor EDTL, bele konsumu ilegal no mos bele seidauk asesu eletrisidade. Nune'e mos, husi postu administrativu 4 ne'ebe ezisti, Postu Administrativu Hato-Builico mak totalmente sei utiliza kontador konvensional no to'o ohin loron la sosa pulsa no tuir informasaun katak seidauk monta husi Governu. Kestaun ida ne'e presiza tau atensaun hosi parte EDTL bainhira liga ba atividade komersiu ne'ebe prepago sai hanesan fonte ba reseitas Estadu.

5.4. Vizita Eskritóriu Servisu Agua ho Saneamentu (SAS)

Vizita ho objetivu atu kobre informasaun hosi autoridade SAS liga ba implementasaun planu agua ho saneamentu ba moris diak Komunitade Ainaro. Komisaun iha vizita ne'e hetan informasaun kona ba kondisaun trabalhador ne'ebe relativamente presiza fo atensaun ho preparasaun iha âmbito política descentralizasaun. Total trabalhador ne'ebe halao knar iha SAS Munisípiu Ainaro iha nain 17, ho kompozisaun hanesan husi mai:

No.	Kategoria	Level	Total
1.	Tekniku profesional	5	1
2.	Tekniku profissional	4	3
3.	Tekniku Administrativu	3	11
4.	Tekniku Asistente	2	1
5.	TeknikuAsistente	1	1
Total			17

5.5. Vizita Ajensia Dezenvolvimentu Nasional (ADN)

Vizita ho objetivu hodi hare kondisaun real liga ba facilidade sira ne'ebe bele suporta atividade servisu funcionáriu ADN nian. Tuir observasaun Komisaun E, problema prisnsipal ba ADN

Munisípiu Ainaro mak asuntu eskritóriu. Provizoriamente ADN munisípiu Ainaro laiha eskritóriu ne'ebe apropiadu. Eskritóriu ne'ebe uza hodi halao servisu rutina sai mos rezidencia ou fatin hela ba funsionariu sira.

5.6 Visita Eskritoriu Obras Publika no Transporte

5.7 Fiskalizasaun ba konstrusaun Edifisiu Foun Posto Administrativo Maubisse

Tuir observasaun Komisaun, projetu konstrusaun Edifisiu Foun Posto Administrativu Maubisse atinje ona 80%. Maske ho orsamentu ne'ebe kiik maibe kompanhia konsege konstroi edifísiu inklui ho moru protesaun ba edifísiu refere. Lalaok projetu refere hatudu iha tabela tuir mai:

NARAN PROJETO	Construsaun Edifisio Posto
Fatin Projetu	Suku Maubisse vila Posto Administrativo Maubisse
Dono projetu	MAE
Tinan projetu	2019
Kompanhia implementador	Mentil Unip. Lda
Valor orsamentu	\$161.446.00
Progresso fíziku	80%

VI. KONKLUSAUN

1. Infraestruturá iha Munisípiu Ainaro progresivamente Governo kontinua tau prioridade no komesa lao diak hahu husi tinan 2016 to'o 2020 prinsipalmente ba projetu PDIM no PNDS, maibe ho impase polítika durante tinan 4 nia laran prejudika projetu balun la konsege implementa tamba Governu lao deit ho orsamentu duadesimu;
2. Existe mos projetu balun ne'ebe implementa iha tinan 2019 ho nia progresu ezekusaun lao lentu tamba impaktu husi pandemia covid-19;

3. Jeralmente projetu Fundu Infraestruras kontinua ho projetu emerjensia tinan uluk nian maske gradualmente progresu ezekusaun variantes entre projetu, maibe kompanhia sira ho vontade hodi kontinua servisu maske sidauk hetan kontratu husi Governu;
4. EDTL nudar institutu públiku ida nebe kontribui ba reseitas estadu, maibe atualmente iha posto administrativu balun iha Munisípiu Ainaro sidauk monta kontador sistema prepago nudar tarifas ou taxa relasiona ho fornimentu enerjia elétrika;
5. Konsumidor ba eletrisidade Munisipiu Ainaro nian hamutuk 8340 konstitui husi kontador pre-pago 4027 no kontador konvensional 4313, totalmente konsumidor 1063 iha Postu Administrativu Hato-Builico sidauk monta sistema pre-pago;
6. Jerador 4 ne'ebe eziste iha Munisípiu Ainaro óras ne'e desmontadu hela tamba hetan ona substituisaun husi sistema transmisaun enerjia elétrika husi sentral elétrika tantu Betano no mos Díli, maibe iha balu sei halerik kona ba laiha eetrisidade to'o ohin loron.
7. Iha Diresaun EDTL Munisípiu Ainaro sei eziste pesoal voluntáriu ne'ebe presta servisu iha tinan barak no risku laran, maske ho kondisaun limitadu maibe sira nafatin halo atendimentu públiku ho diak;
8. Munisípiu Ainaro rejista iha eis-seguransa 41 husi Kompanhia Guarda Lorosa'e ne'ebe halao seguransa kuaze tinan rua iha EDTL maibe seidauk simu saláriu, no sira nafatin ejize direitu to'o ohin loron.
9. Laiha ekipamentu operacional ba Tékniku EDTL no viatura ho motorizada aat nafatin defikulta EDTL Munisípiu Ainaro labele halo servisu ho másimu, ekipamentu hanesan: eskada, stik, luvas, sintu ho seluk tan.

VII. REKOMENDASAUN

1. Ba Governu liu husi Ministériu Obras Públika atu kontinua aseguira finansia investimentu públiku iha infraestruturas, inklui manutensaun ho reabilitasaun;
2. Husu ba ministériu relevante sira iha Munisípiu Ainaro atu konsolida liu tan sistema komunikasaun no koordenaun iha âmbito supervizaun no kontrolu projetu sira;
3. Sujere ba Autoridade Nacional Eletricidade, Empreza Públika (ANE,EP), atu garante liu tan kualidade fornecimentu enerjia elétrica inklui nia tarifáriu nudar kontribuisaun atu hasae progressivamente reseitas ba estadu, nune'e mos estabelese sistema informasaun públiku kona ba uzu kontador pre-pago, sansaun ba uzu no ligasaun ilegal sira ba fornecimentu enerjia elétrica;
4. Propoin ba ANE, EP atu assegura nafatin fiskalizaun kona ba operaun no manutensaun ba rede distribuisaun no fornecimentu enerjia elétrica iha kada sub-estasaun iha Munisípiu Ainaro;
5. Propoin ba ANE, EP atu melhora gradualmente kondisaun sira husi ekipamentu operacional tékniku EDTLtur rekizitu ezizidu sira;
6. Rekomenda ba Governu liu husi Ministériu Obras Públika atu fo solusaun imediata ba problema Eis-Seguransa Guarda Lorosa'e ne'ebe tinan barak nia laran seidak rezolve liga ba direitu salarial kuaze tinan 2 nian;
7. Husu ba Governu atu fo konsiderasaun liu husi avaliasaun ho promosaun estatutu ba servidor voluntáriu hotu ne'ebe halao knar ho profesional iha Munisípiu Ainaro, liu-liu iha Diresaun EDTL.

VIII. APROVASAUN RELATÓRIU

Relatóriu Fiskalizaun iha Munisípiu Ainaro edisaun 14 – 17 Outubru 2020 hetan ona aprovasaun Komisaun, liu husi reuniaun ordinariu ne'ebé realiza iha loron Kuarta, 13 Janeiru 2021, tuku 10:00 óras Timor Leste. Prosesu aprovasaun hetan partisipasaun husi membrus Komisaun 9, ho rezultadu aprovasaun: Afavor: SIA – Kontra: ZERO– Abstensaun:ZERO.

Díli, Parlamentu Nasional, 13 Janeiru 2021

Presidente Komisaun

Relatora

Deputadu Abel Pires da Silva, Ph.D

Deputada Maria Ana Bela Savio